

ՃՇՄԱՐՏՈՒԹԵԱՆ ԴԱՏԱՊԱՐՏՈՒԹԻՒՆ:

«Մշակի» 62 №-ում կարգացինք Յ. Մ. ստորագրութեամբ նորից մի զրախօսութիւն, որ կրկնութիւն է ոչ միայն միեւնոյն գործիայլ միեւնոյն բառերի եւ խօսքերի: Խնդիրը դարձեալ Ալաշկերտցիների համար ժողովված գումարն է: Յաւալի է, որ մեր մէջ լուսաւորված եւ ազգի ցաւերին ցաւակից ձեւանալու համար բաւական է էջմիածնի դէմ քանի մի հայհոյական խօսքեր արտասանել, եւ ահա իւրաքանչիւր իմաստակգորդը, որ տեղից որ լինի, իւր գրածին իբր աւելի ազ տալու համար եւ իւր անձն բանիմաց եւ կարեկցող ցոյց տալու համար, պիտի անշուշտ քանի մի հայհոյական խօսքեր շարէ էջմիածնի դէմ, իսկ աւելի համբաւը վաստակելու համար, միամիտների առաջ, սուտ նիւթ հնարէ եւ խօսէ նորա վերայ, ինչպէս ահա Յ. Մ.:

«Արարատի» հոկտեմբեր ամսի №-ում հրատարակվեցաւ Ս. էջմիածնի Սինօդի 1879 թ. օգոստոսի 22ի օրագրութիւնը, որով Վեհ. Կաթողիկոսի տնօրինութեամբ գաղթականների աշուհով ժողովված 16,358 մ. գումարը (եւ ոչ 17,000, ինչպէս որ սխալ կհրատարակէ աւելորդութեամբ Յ. Մ.) ուղարկված է Պետերբուրգ Զէմսկայեա Տամբօվսկայեա երկաթուղու արժէ-տոմները գնելու համար յանուն Իւչքիլիսէի Ս. Յովհաննէսի վանքի դպրոցի, որոնց տոկոսիքը պիտի դործ գնվին նոյն դպրոցի վերայ, աւելացած գրամով օգնելով Հին Բայազէդի կամ Թոփրակ—քալէի դպրոցներին: Յառաջագոյն եւս հրատարակված էր արդէն, որ դեռ անցած ամառն Վեհ. Տէրը կանչեց Ալաշկերտցիների առաջնորդին եւ պատուիրեց նորան թէ փողը պիտի գործ դրվի Ալաշկերտցիների համար դպրոց շինելու եւ պահելու, որովհետեւ նոցա անունով է ժողովված եւ ուրիշ որեւիցէ նւաւատակով գործ գնել նոյն գումարը Վեհ. Տէրը կհամարէ ընդդէմ Աստուծոյ, խղճի եւ նուիրողների: Նոյնը ասաց Վեհ. Տէրը դպրոցասիրաց ընկերութեան կողմից եկած պ. Շահնազարեանին անցած ամառն, եւ նոյն գումարի տոկոսիքների կարգադրութիւնն ըստ ամենայնի յանձնված է Արեւելեան դպրոցասիրաց ընկերութեան վարչութեանը եւ Ալաշկերտցիների առաջնորդին: Այնուհետեւ Վեհ. Հայրապետի այսպիսի տնօրինութենից յետոյ, որ եղած է ինն ամիս առաջ, ի՞նչ նշանակութիւն ունի հրատարակել թէ Ալաշկերտցիներէ փողերը պահաւելն պահված են Էջմիածնում: Ո՞ր օրի համար, ի՞նչ նպատակով,—յայտնի չէ:

Սա ժողովրդի բարեկամ լինել կնշանակէ՞ թէ ժողովրդի

Թշնամի լինել, հաղորդելով նորան սուտ տեղեկութիւններ, գայթակղեցնելով եւ մոլորեցնելով նորան, անձնական կիրքերի գործիք շինելով նորան:

Վեհ. Կաթողիկոսի այսպիսի տնօրինութենից յետոյ, երբ փողի կարգադրութիւնը Արեւելեան դպրոցանորաց ընկերութեան եւ Ալաշկերտի առաջնորդին է յանձնւած, ի՞նչ կնշանակեն «Որբապան եւ որբապանացի» հայեր, որոնք մեր փողերը, լինի՛ր հոգի՛նք մեր Գրգորը, մեր զաւակները մեռնա՛նք առիկոյ անտեղի եւ նենգամիտ խօսքերը, եթէ ոչ անվայել միջոցով իւրեան կարեկցող անձն ձեւացնել, խաբել խեղճ ժողովուրդը, փորձանքի մէջ ձգել նորան եւ միանգամայն ծաղրել նորա բանականութիւնը: Եթէ ուրիշ անյայտ նպատակ ունի Յ. Մ. կամ նորա նմանները, թող յայտնի ասէ, ապա թէ ոչ—Վեհ. Կաթողիկոսի այսպիսի օգտաւէտ, հաստատահիմն եւ նպատակայարմար տնօրէնութենից յետոյ յիշւած գումարի մասին, որից գոհ պիտի լինին թէ նուիրողները, թէ նոքա որոնց համար նուէրներ եղած են եւ թէ ժողովրդի ներկայի եւ ապագայի մասին լրջմիտ մտածողները, առանց կամենալու ամենեւին ուշք դարձնել Սինօդի օրագրութեամբ հրատարակւած ճիշդ տեղեկութիւններին, ի՞նչ կնշանակէ յանգգնել եւ հարցնել թէ «Ի՞նչ արեց Եղիշեանը»:

Սա միեւնոյն է, ինչ որ Պիղատոսը «Ի՞նչ է ճշմարտութիւնը» հարցը մեր Տէր եւ Փրկիչ Յիսուսին ասելուց յետոյ, չկամեցաւ նորանից պատասխան իմանալ եւ դուրս գնաց:

Երբ սովի ձայնը ստուգւեցաւ, Վեհ. Հայրապետի տնօրինութեամբ Սինօդը զանազան վիճակներ պատուէրներ ուղարկեց նուէրներ ժողովելու յօգուտ սովատանջ Հայերի եւ շուտ հասցնելու կամ էջմիածինկամ Վան յանձնաժողովին: Այստեղ եւս տնօրինւած է եկած գումարներն անմիջապէս հասցնել սովեալների համար Կ. պօլսում սահմանւած Յանձնաժողովին Կիւլպէկեան վաճառական ասն միջոցով Թիֆլիսում: Արդ Վեհ. Հայրապետի այսպիսի տնօրինութենից յետոյ, հրատարակել թէ «Էլ գիտէ ի՞նչ վիճակին տիրի հանրային աղետներին հաւաքւած գումարները եւ ամեն տեղ նուիրատու անձներին մոլորեցնել եւ կասկածի մէջ ձգել, եւ նուիրողների սիրտը կոտրել, այսպիսի վարմունքը յօգուտ սոված եղբայրների խօսել եւ նոցա օգնութեան ձեռք մեկնել կնշանակէ՞ թէ ի վնաս սովածների խօսել եւ նոցա սոված զաւակներին սովից սպանելուն նպաստել, սովից մեռնող մանուկներից քանի մի կտոր հաց խել կնշանակէ: Թող մտածէ Յ. Մ. . .